

8-avgust  
2024-yil 32 (1082)



O'ZLiDeP



# АХХР

IJTIMOIY - SIYOSIY GAZETASI

**ЎЗБЕКИСТОН РЕСПУБЛИКАСИ  
ПРЕЗИДЕНТИ ШАВКАТ МИРЗИЁЕВНИНГ  
ҚОЗОҒИСТОН РЕСПУБЛИКАСИ  
ПРЕЗИДЕНТИ ҚАСИМ-ЖОМАРТ ТОҚАЕВ  
ТАКЛИФИГА БИНОАН ДАВЛАТ ТАШРИФИ  
БОШЛАНДИ.**

Дастурга мувофиқ, икки давлат ўртасидаги стратегик шериклик ва иттифоқчилик муносабатларини янада чуқурлаштириш ҳамда халқаро ва минтақавий масалалар кўриб чиқилади. Эътиборли жиҳати, ушбу ташриф доирасида Қозоғистон пойтахтида буюк мутафаккир Алишер Навоий ҳайкалининг очилиш маросими ҳам бўлиб ўтади. Президентимиз 9 август куни Остона шаҳрида бўлиб ўтадиган Марказий Осиё давлатлари раҳбарларининг навбатдаги Маслаҳат учрашуви ва "Марказий Осиё + Япония" мулоқотининг биринчи саммитида ҳам иштирок этади.

4

21asr.uz XXI\_asr@mail.ru @XXIasr\_yangiiliklari XXIasrgazetasi asr\_xabarlar\_i\_news Gazeta 2004-yil 1-yanvardan chop etila boshlagan

**БИР БЎЛСАК — ЯҒОНА ХАЛҚМИЗ, БИРЛАШСАК — ВАТАНМИЗ!**

САЙЛОВ-2024



## ИМЗО ИШОНЧ ДЕГАНИ

**O'zLiDeP БЎЛАЖАК САЙЛОВДА ИШТИРОК ЭТИШ УЧУН ТАРАФДОРЛАРИНИНГ ИШОНЧINI ТЎПЛАМОҚДА**

Хабарингиз бор, 27 июль куни Тadbirkorlar ва ишбилармонлар ҳаракати – Ўзбекистон Либерал-демократик партияси Сиёсий Кенгаши мажлисида етакчи кучнинг Олий Мажлис Қонунчилик палатаси ва Халқ депутатлари вилоят, туман ва шаҳар кенгашларига сайловда фаол қатнашиши бўйича қарор қабул қилинган эди.

Айни кунларда ушбу сиёсий воқеага қизғин тайёргарлик қўрилмақда. Албатта, сиёсий партияларнинг сайлов кампанияси давридаги иштироки ўзига хос тарзда кечади. Улардан бири имзо тўплаш жараёнидир.

Марказий сайлов комиссияси томонидан сиёсий партияларнинг ваколатли вакиллари рўйхатга олиниб, уларга партиянинг сайловда иштирок этишини қўллаб-қувватловчи сайлов-

чилар имзосини тўплаш учун белгиланган намунадаги имзо варақалари топширилди. Бу жараён ҳеч шубҳасиз партияларнинг тарғибот даврида ўз электорати ва сайловчилар ишончини қозониш билан боғлиқ бўлган илк қадам ҳам дейиш мумкин.

O'zLiDeP ҳам бўлажак сайловда иштирок этиш учун сайловчилар имзоларини тўплашга киришди. Аҳоли гавжум жойларда имзо йиғиш пунктлари ташкил этилмақда. Мазкур жараён партиянинг 15 мингга яқин бошланғич ташкилотлари, фуқароларнинг иш, хизмат, ўқиш, яшаш ва бошқа жойларда уюшқоқлик билан ўтказилмақда. Қонунчиликка кўра, сиёсий партиялар битта маъмурий-худудий тuzилмада (Қорақалпоғистон Республикаси, вилоятлар, Тошкент шаҳри) қирқ минг сайловчининг кўпи билан саккиз фоиз имзосини тўплаши мумкинлиги белгиланган.

Имзоларни тўплаш жараёнида сайловчилар томонидан партияимзининг ўтган йилларда тadbirkorлигини ривожлантириш, ёшлар ва аёл-

ларни ҳар томонлама қўллаб-қувватлаш, қонунчилигини такомиллаштириш ҳамда сайловчилар билан очик мулоқотларда кўтарилган муаммоларни ҳал этиш йўналишидаги амалий ишлари эътироф этилмақда.

O'zLiDeP Сиёсий Кенгаши Ижроия қўмитасида бўлиб ўтган имзо тўплаш тadbiriда партия раиси, парламент кўйи палатаси Спикери ўринбосари Ақтам Хаитов, раис ўринбосарлари ҳамда ходимлар фаол иштирок этди. Етакчи партия 2024 йилги парламент сайловларига ўзининг мутлақо янги стратегияси билан кириб келмақда. Сайловларга тўдан янгича ёндашишни кўзда тутиб стратегия доирасида халқнинг ичига янада фаолроқ кириб бориш, уйма-уй юриб, 3 миллиондан ортиқ хонадонга кириб чиқишни, ҳар бир сайловчига партия ғояларини етказишни, уларнинг таклиф-мулоҳазаларини олишни мақсад қилган.

3

## Метиклол – луғатда бугун бош сўзим

Салим АШУР

Озодлик тўкилган қон билан келди,  
Озодлик берилган жон билан келди,  
Озодлик ор билан, шон билан келди,  
Кетмайдиган бўлиб келди Озодлик.

Умрлар курашда, суронда ўтди,  
Ким Самарқанд, ким Қўқонда ўтди,  
Ким Туркистон, ким Туронда ўтди,  
Ўтмайдиган бўлиб келди Озодлик.

Тошкент анҳорлари ютди "оҳ"ларни,  
Калитларни сотган чин гумроҳларни,  
Дархон, Хадра, Солор ҳам Жангтоҳларни  
Ўтмайдиган бўлиб келди Озодлик.

Тўплар, замбараклар тутди гулшанни,  
Нишонга олдилар эътиқод, шаънини,  
Занжир, бўйинтурук, метин кишанни  
Тутмайдиган бўлиб келди Озодлик.

Қолиплар, қафаслар, зулмат марралар...  
То ҳануз инграйди зару зарралар,  
Битди зирқираган захм, яралар,  
Битмайдиган бўлиб келди Озодлик.

Истиқлол – луғатда бугун бош сўзим,  
Бор – Мадҳиям, Байроқ, Тўғром, Қомусим,  
Қиблага қараган кўзим ва юзим,  
Кетмайдиган бўлиб келди Озодлик.



## ҲАВАС ҚИЛИБ ЯШАЙМИЗ СИЗГА!

5

**ЎЗБЕКИСТОН РЕСПУБЛИКАСИ ПРЕЗИДЕНТИ ТОМОНИДАН "ЎЗБОШИМЧАЛИК БИЛАН ЭҒАЛЛАБ ОЛИНГАН ЕР УЧАСТКАЛАРИГА ҲАМДА УЛАРДА ҚУРИЛГАН БИНОЛАР ВА ИНШОТЛАРГА БЎЛГАН ҲУҚУҚЛАРНИ ЭЪТИРОФ ЭТИШ ТЎҒРИСИДА"ГИ ҚОНУН ИМЗОЛАНДИ**

Қонунга кўра, фуқаролар куйидаги кўчмас мулкларни ўз номига (ижара ва мулк ҳуқуқи асосида) қонуний ўтказиб олиши мумкин:


- 2018 йил 1 май кунигача яқка тартибдаги уй-жой қуриб ўзбошимчалик билан эгаллаган ер ҳамда ундаги бино ва иншоотлар;
- 2018 йил 1 май кунигача фуқаролар ва ташкилотлар томонидан ҳужжатда кўрсатилган майдондан ортиқча эгалланган ер ҳамда ундаги бино ва иншоотлар;
- "бир марталик акция" доирасида ҳуқуқларни эътироф этиш охирига етмаган ер ҳамда ундаги бино ва иншоотлар;
- 2021 йил 8 июнга (ҳокимларнинг ваколати бекор қилингунига) қадар туман (шаҳар) ҳокимлари қарори билан ажратилган, лекин вилоят ҳокими ёки халқ депутатлари Кенгаши томонидан тасдиқланмаган ер;
- боғдорчилик ва узумчилик ширкатлари ҳудудидagi турар жойлар ҳамда улар эгаллаган ер;
- кичик саноат зоналари ҳудудига 2020 йил 9 мартгача жойлаштирилган тadbirkorларнинг ери;

• давлат ордери билан хусусийлаштирилган бинолар ва уйлар эгаллаган ер;  
• ҳоким қарори билан мулк ҳуқуқи эътироф этилган бинолар ва уйлар эгаллаган ер участкаси.

**Кўчмас мулкни қонунийлаштириш учун улар куйидаги талабларга жавоб бериши лозим:**

- ер бошқа шахсга ажратилмаган ёки аукционга чиқарилмаган бўлиши;
- ер участкасидан фойдаланишда низо мавжуд эмаслиги;
- ер ва мол-мулк солиғи бўйича қарздорлик мавжуд эмаслиги;
- муҳофаза зонасида, суғориладиган ерда жойлашмаганлиги;
- бош режа талабларига зид эмаслиги (мавжуд бўлса);
- ҳар бир категорияга хос бошқа шартлар (инвестиция мажбурияти бажарилганлиги, ширкат аъзоси ҳисобланиши ва бошқалар).

**ҚОНУН 3 ОЙДАН СЎНГ КУЧГА КИРАДИ.**



## 5 ЁН САККИЗ МИНГ ОЛАМ ВА "+18"

Қаерга қараб кетяпмиз? Қўлида телефон бўлган ўсмир билиб-билмасдан, балки атайин ана шундай ғоявий бузуқ каналларга кирмаслигига қафолат борми бугун? Фахш, бузғунчилик уяси бўлган каналларга адашиб аъзо бўлиб қолган болаларнинг эртанги ҳаёти остин-устун бўлиб кетиши аниқ-ку!



## 6 ҚУРБОН ЭШМАТ ҚАЙТИБ КЕЛАДИ!

"Не қилсанг қил, лек ғужурингни йўқотма! Ғужурсиз эркак эркак эмас". Бу – Эшматов энг кўп такоррайдиган панду насихатлардан бири эди. Бу ҳам камлик қилгандек, у кирган давраларда "Ота, не кўрдингиз даладан бўлак?" деган чорлов янграб турарди.





# ИМЗО — ИШОНЧ ДЕГАНИ

◀◀ Бошланиши 1-саҳифада.

## ҚОРАҚАЛПОҒИСТОН РЕСПУБЛИКАСИ

Имзо тўплаш ишлари Қорақалпоғистон Республикасида ҳам бошланиб кетди. “Микрокредитбанк” АТБ ҳудудий филиалида ташкил қилинган тадбирда дастлаб партиянинг Қорақалпоғистон Республикаси Кенгаши ходимлари имзо тўплаш жараёнининг тартиб-қоидалари бўйича батафсил маълумот беришди.

– Эътиборлиси, бу йилги сайловлар мутлақо янги – аралаш сайлов тизими асосида ўтаётгани, имзоларни тўплаш эса сиёсий тадбирга тайёргарликнинг муҳим босқичларидан биридир, – дейди О‘зЛиДеР Қорақалпоғистон Республикаси Кенгаши раисининг биринчи ўринбосари – аппарат раҳбари Адип Айбергенов. – О‘зЛиДеРнинг жойлардаги барча бўғини ва Оролбўйи минтақасида ҳам ишлар авж паллада. Айниқса, кенгашнинг 1 100 дан зиёд бошланғич партия ташкилотларида фуқароларнинг иш, хизмат, ўқиш, яшаш, ташвиқот юритиш ва имзо тўплаш қонун билан тақиқланмаган бошқа жойларда уюшқоқлик билан олиб борилмоқда.



Жараёнда иштирок этган банк соҳаси вакиллари ва фуқаролар бўлажак сайловларга бефарқ эмаслигини намоён этишиб, Ўзбекистон Либерал-демократик партиясини қўллаб-қувватлаган ҳолда имзо ва рақаларини тўлдиришди.

О‘зЛиДеР Қорақалпоғистон Республикаси  
Кенгаши матбуот хизмати

## ТОШКЕНТ ВИЛОЯТИ

Олмалик шаҳридаги “Металлург” маданият саройида жам бўлган 200 дан ортиқ хайрихоҳлар мамлакат иқтисодий тараққиётида муҳим ўрин тутган сайловда ўзлари ишонч билдирган партиянинг иштирокини қўллаб-қувватлаб имзо чекишди. Мулоқотларда партиянинг ўтган йилларда тадбиркорликни ривожлантириш, бу борадаги қонунчиликни такомиллаштиришдаги ишлари эътироф этилди. Сиёсий кучнинг сайловда қатнашиши тадбиркорлар учун катта имконият экани, ўтган йилларда партия ишбилармонларнинг том маънодаги қалқонига айлангани, кичик саноат зоналари барпо этиши, солиқ ва божхона божларини камайтиришда ҳиссаси беқийсиз таъкидланди. Кончилар имзо чекиш борабарда барчани тадбиркорликни миллий ҳаракатга айлантира оладиган партия учун имзо беришга чақирдишди.



– О‘зЛиДеР парламент сайловларига мутлақо янги стратегия билан кириб келмоқда, – деди “Олмалик КМК” АЖ касаба уюшмаси раисининг иқтисодий масалалар бўйича маслаҳатчиси Феруза Бозорова. – Сиёсий кучнинг “Ваъда эмас – натижа, эртага эмас – бугун” шиори партиянинг асл дастурий мақсадига айланган. Бугунгача ҳам аниқ натижалари билан халқимизнинг ишончини қозондики, буни ўтган йиллар давомида электорати манфаатларини ҳимоя қилишдаги салмоқли ишларида кўрдик. Партиянинг бир неча йиллик аъзоси сифатида жараёнларни кузатиб бораман. “Ишбилармон аёл” кўрик-танлови аёлларни тадбиркорликка жалб этаётган бўлса, “Дурдона”, “Замонавий бунёдкор аёл”, “Бунёдкор аёллар” лойиҳалари Ватанга садоқатли, фидойи опа-сингилларимизни кашф этмоқда. Бир неча лойиҳаларида иштирок этишга муваффақ бўлганман. Эътибор беринг, бир пайтлар “Аёллар дафтари”да турган хотин-қизлар партиянинг бепул касб-хунарга ўқитиб, тадбиркорлик кўникмаларини ҳосил қилишдаги кўмаги ортдан бугун ўз бизнесига эга бўлишди. Шароитларини яхшилаб, “Аёллар дафтари”дан чиқишиб, янги иш ўринлари яратилди. Бир сўз билан айтганда, партия жойларда юзлаб ишбилармонларни кашф қилди. Бу унинг хотин-қизлар ҳаётига чуқур кириб борганининг яққол исботидир. Мен шунинг учун ҳам партияни қўллаб-қувватлаб имзо бердим. Ишонаманки, сеvimли партия бундан кейин ҳам инсонларнинг ҳақиқий таянчи ва суянчи бўлиб қолаверади.

Зухро МИРЗОҲАМДАМОВА,  
О‘зЛиДеР Тошкент вилоят кенгаши бўлим мудир

## ЖИЗЗАХ

Бу йил мамлакатимиз парламенти сайловлар илк мартаба аралаш тизимда ўтказилади. Амалдаги қонунчиликка кўра, бу тизимда сайловчилар парламент депутатларининг бир қисмини партияларнинг номзодлар рўйхати-га овоз бериш орқали сайлашди ва қолган мандатлар мажоритар тартибда, алоҳида номзодларга овоз бериш орқали сайланади. Бу тизим партиянинг сиёсий маҳоратининг эътибори эмас, балки халқ орасида тутган обрў ва мавқеини ҳам синовдан ўтказилади.

Айни пайтда О‘зЛиДеР Жиззах вилоят кенгаши ҳам бўлажак сайловда иштирок этиш учун сайловчилар имзоларини тўплашга киришди. 1 216 та бошланғич партия ташкилоти ва имзо тўплаш қонун билан тақиқланмаган бошқа жойларда жараён кўтаринки кайфиятда ўтмоқда.

Зомин туманида ташкил этилган имзо йиғиш тадбирида кўпчилик партияимизнинг амалий ишларини эътироф этишди.

– Сайлов учун имзо тўпланаётганини эшитиб келдим, – дейди зоминлик нурунийлардан Муҳаммади Ғойибназаров. – Чунки ҳаётимизда сўнгги етти йилда етмиш йилда бўлмайдиган ўзгаришлар рўй берди, аҳоли фаровонлиги ошди. Турмушимиз кундан кун тўқис бўлиб бора-япти. Бундай ислохотларда, албатта, Ўзбекистон Либерал-демократик партиясининг ҳам алоҳида ўрни бор.



– Оилавий тадбиркорлик ривожини, томорқачиликка берилаётган эътибор, ёшларни касб-хунарга ўқитишда партия фаолларининг хизмати катта, – дейди тадбиркор Садоқат Бекмуродова. – О‘зЛиДеРнинг сайловда қатнашиши биз каби тадбиркорлар учун катта имконият. Чунки ушбу сиёсий куч мен каби ишбилармонларнинг қалқонига айланиб улгурди. Айниқса, “Ишбилармон аёл” лойиҳасининг дастлабки босқичи маҳаллаларда ўтказилаётгани тадбиркорлик ривожига ва иқтидорларни кашф этишда катта ҳисса бўлмоқда. Шу боис партиянинг бўлажак сайловларда қатнашиши учун имзо бердим. Ишончим комилки, партия тадбиркорликни миллий ҳаракатга айлантиради.

– Яқинда ишга туширилган Жиззах шаҳридаги “Фарали текстиль” корхонасида айни пайтда 200 дан ортиқ хотин-қиз меҳнат қилмоқда. Корхонанинг ташкил қилиниши ва маҳсулотлар экспортини йўлга қўйишда партия фаолларининг кўмаги катта бўлди. Бу ерда бошланғич партия ташкилоти фаолияти ҳам йўлга қўйилган.

– Партия илгари сураётган “Ваъда эмас – натижа. Эртага эмас – бугун” ғояси нафақат ўтаётган кунларимизнинг, балки кенг жамоатчиликнинг интилишларию ўй, хаёли билан ҳамоҳанг, – дейди “Келажак бунёдкори” медали соҳиби Шахло Хошимова. – Мен ҳам дастури мақсадларимга ҳамоҳанг О‘зЛиДеРнинг сайловда иштирокини қўллаб-қувватлаб имзо қўйдим.

Баҳром МИРЗАҚОБИЛОВ,  
“XXI asr” мухбири

## ҚАШҚАДАРЁ

“Шўртангазкимё” мажмуасида имзо беришга келаётган ишчи-хизматчилар қурув ваъдалар эмас, натижа билан сайловга кираётган партиянинг амалий ишларини мамнуният билан тилга олишди.



– О‘зЛиДеР нафақат ишбилармонларни, балки мажмуамизда меҳнат қилаётган ёшларнинг ҳам ишончи ва таянчига айланган, – дейди “Шўртангазкимё” мажмуасидаги БПТ раиси Хуршид Бердиев. – “Касб хунари ёшлар”, “О‘зЛиДеР сизга кўмакчи”, “Диплом билан бизнесга”, “Ёш муваффақиятли тадбиркор”, “Ёшлар маҳаллада” каби лойиҳалари доирасида ташкил этилган тадбир тарғибот ишлари натижасида туманимизнинг турли ҳудудларида истиқомат қилаётган юзлаб йигит-қизлар ўз бизнесини йўлга қўйди. Минглаб тенгқурлари бандлигини таъминлади. Ҳамкасбларимиз ёшларнинг ҳақиқий жонқуяри бўлган партиянинг бўлажак сайловда иштирокини қўллаб-қувватлаб имзо беришмоқда. Ишонаманки, О‘зЛиДеР бундан кейин ҳам келажакимиз эгаларининг ҳақиқий таянчи ва суянчи бўлиб қолади.

Сайфулла ИКРОМОВ,  
“XXI asr” мухбири



## БУХОРО

О‘зЛиДеР Бухоро шаҳар кенгаши раиси биринчи ўринбосари – аппарат раҳбари Руслан Загретдиновнинг таъкидлашича, О‘зЛиДеРнинг жойлардаги барча бўғинларида ушбу ишлар жиддий ёндошилган ҳолда бошлаб юборилди.

Бухоро давлат университетиде ўтказилган тадбирда О‘зЛиДеР масъуллари аввал имзо тўплашнинг тартиб-қоидаси ҳақида маълумот беришди. Сўнг профессор-ўқитувчи ва талаба-ёшлар, маҳалла фаоллари, таълим, соғлиқни сақлаш, хусусий бизнес вакиллари имзо ва рақаларини бирма-бир тўлдиришди. Эътиборлиси, улар орасида ёш авлод вакиллари кўпчилигини ташкил этади.

– О‘зЛиДеРнинг сайловда иштирокини тенгдошларимиз тўла қўллаб-қувватлаб имзо чекдилар, – дейди Олий Мажлис Қонунчилик палатаси ҳузуридаги Ёшлар парламенти аъзоси Саиджон Бобононов. – Зеро, Қонунчилик палатаси ва маҳаллий кенгашлар депутатлигига ўтказиладиган сайловлар юртимиз ёшларининг истиқболини белгилаб беришда муҳим аҳамият касб этади. Шу боис улар ўз тақдирларига эътиборсиз эмасликларини ифода этиб, бошқаларга намуна бўлишди.

Шу куннинг ўзида университетда 200 дан зиёд имзо тўпланди ва расмийлаштирилди.

Шаҳардаги “Лабиховуз” мажмуасида ўтказилган имзо тўплаш жараёнида ҳам сайловчилар партиянинг амалий ишларини гапиришди. Биргина мисол, О‘зЛиДеР Бухоро шаҳар кенгаши раисининг ёшлар ва бизнес тузилмалар билан ишлаш масалалари бўйича ўринбосари Дилфуза Сулаймонованинг айтишича, етакчи кучнинг ҳаётбахш лойиҳалари туфайли бухоролик юзлаб ёшлар ишли бўлди. Бизнесини бошлашди. Ҳадемай улар юртимизнинг номдор ишбилармонларига айланиб, доврақ қозонишди.



Когон шаҳридаги “Темирўлчилар” истироҳат боғида ўтказилган имзо тўплаш тадбири аввалида сўз олган партия вилоят кенгаши раисининг биринчи ўринбосари – аппарат раҳбари Бобомурод Очилов “Инсон қадри учун” тамойили асосида мамлакатимизда олиб борилган ислохотларда О‘зЛиДеРнинг алоҳида ўрни борлигини таъкидлади.

– Солиқ ва божхона божларини камайтиришда партиянинг ҳиссаси катта, – дейди пешқадам кластерлардан бирининг раҳбари Муродило Аҳмедов. – Етакчи куч электорати вакили сифатида имзо чекаётган юртимиз иқтисодий тараққиётини таъминлашга салмоқли ҳисса қўша оладиган О‘зЛиДеР бундан кейин ҳам етакчиликни бой бермаслигига ишонаман.

Маълумот ўрнида айтиш жоизки, вилоят бўйича тўпланган имзолар сони икки мингдан ошди.

Жараён давом этмоқда.

Асхор ИСТАМОВ,  
“XXI asr” мухбири

Саҳифани “XXI asr” мухбири  
Нурхон ЭЛМИРЗАЕВА тайёрлади.





